



## Junggeselle-Weihnachde.

Bedschd sitzen emol, e Freind un ich,  
Im „Adler“ sesamme beim Middagsdisch.  
Weil's Sunndag war, hadd's was Exdra'nes gebb:  
Wildjauragun mit Rehlewerknebb.  
Es war im Winder um die Weihnachdszeid,  
Draus alles kahl un weiß beschneid,  
Un vor de Pääre in alle Gasse,  
Do kummen un gehen un drängen un baffe  
Die Mensche sich un froohen und laafe  
Vor Weihnachde noch allerhand in se kaafe.  
„'s is doch was Eijnes um so e Idee“,  
Sah uff ä"mool mei" Freind, „warum nore fräh'  
Die Mensche sich so uff denn Weihnachdsdag,  
Wo 's Frischdkinndche kummd, noh 're fromme Sag'.“  
Warum? Ich leh mich im Shtuhl serick,  
Un alles hilld sich for mei"m Blick



In de blooe Raach vun de Sigarretringel  
 Un mer war's als heer ich e helles Geflingel; —  
 Ich sieh mich selwer vor'm Weihnachtsbaam,  
 E Krubbes noch, sechs Johr ald kaam.  
 Wie ich iwerleh, waß ich's erschd soll greife,  
 De Nußknacker vor mer, denn holzeschdeife,  
 Orrer die Bleisoldate in de Schachdel,  
 Orrer die scheckig babbdeckel Wachdel  
 (Wa'mmer druff driekt, hott se gekrisch)  
 Un unnedrunner e bundes Gemisch  
 Bun Ebhel un Niss' un Zuckerzeigs,  
 Mei" Mudder denewe: „Na", nemmens eich!"  
 Un guckt a" mei"m Vadder in die Heeh:  
 „Waß sich doch die Kinner uffs Kriischdkinndche fräh'." —  
 Hann an Greeß un Alder zugenumm,  
 Un bin in die Schul' noh auswärts kumm.  
 So schä" aah die Ferie an Dschdere ware  
 Orrer wann ich am Herbschd hann häm dirse fahre,  
 Am mähnschde hann ich mich inner gefrääd,  
 Hadd's gehääß, daß 's in die Weihnachde gehd.  
 Wääß Godd, dann hann ich nochmol so geren  
 Mei" Bindel gepackt, bin in de Zug geschbrung,  
 Im Sack e Lebkuche mit Haselnußkeren,



Den wo mer mein<sup>n</sup> Koschdfräa noch noohgebrung.  
 Un erschd dehääm? Mer war jo schon groß,  
 Un wääß, daß Weihnachde und Kischdkinndche bloß  
 & Märche isß un e schä<sup>n</sup>i Geschicht;  
 Un doch, wie ich dann deß Kerzelicht  
 Un 's Weihnachtsbäämche vor mer sieh,  
 Die junge Geschwischder vor de Mudder knie',  
 Do hadd's mich durchzickt wie e heller Schei<sup>n</sup>;  
 An dem Märche muß doch was Wohres sei<sup>n</sup>.  
 Un wie gedribb vun 're inn're Macht  
 Sing' ich mit: Du schdille, heilige Nacht. —  
 Un ä<sup>n</sup> Johr gehd um's anner erum,  
 Un dann isß aah mol e Weihnachde kumm:  
 De Badder dod, die Mudder krank;  
 Mei<sup>n</sup> jingschdi Schweschder sitzt uff de Bank  
 Un schbiel mit ehre Bobb un greind;  
 Kä<sup>n</sup> Baam gebuht, kä<sup>n</sup> Rischdche scheind,  
 's rieht kä<sup>n</sup>s vun uns sei<sup>n</sup> Sache a<sup>n</sup>,  
 & jeres guckt nor 's anner a<sup>n</sup>:  
 Wie weer's doch so schä<sup>n</sup> un mer so froh,  
 Wann jetzt unser gurer Badder noch do.  
 Do fro' ich mich aah in Weh un Lääd:  
 Warum sich de Mensch nor uff Weihnachde fräät. —



Nah deß geht erum un beißt sich durch,  
 Die Zeit is noch immer de beschde Schirurg;  
 Un schdeh ich aah heid uff de Weld allä<sup>n</sup>h,  
 So dhu ich mich doch uff die Weihnachde frää<sup>h</sup>.  
 Warum? Es hadd jo e jerer sei<sup>n</sup> Schbarr'  
 Un ich? Ich bin hald e Kinnernarr;  
 In de Nothberschaft de kruppigde Bu,  
 Deß is mei<sup>n</sup> Freind un mit mer per Du  
 Un erschd die Määd! Bis in's zwelfte Johr  
 Hääßen se mich de „Unkel“ nor.  
 Dann, daß ich immer Schnääckes im Sack,  
 Deß wääß ganz genau deß Bumpepack.  
 Un deß sinn heit aah mei<sup>n</sup> Feiertagsgäschd.  
 Un warum ich mich so frää<sup>h</sup> uff deß Weihnachtsfesched,  
 Kann ich der net sah', deß fieschde am besched',  
 Wann de selbschd kummischd un besieschd der deß Dreime,  
 Es werdd aah for dich noch was iwrig bleime.

